

医方正论

卷四

醫方論卷四

黃連解毒湯

黃連

黃芩

黃柏

梔子

等分

此治實邪實火。表裡俱盛之劑。故用黃芩瀉肺火。黃連瀉心火。黃柏瀉腎火。又用梔子。令上焦之熱邪。委婉而下。三焦通治。藥力頗峻。若表裡俱熱。胸痞便閉。譫語者。便當去黃芩。加大黃以通之。使滯去而熱亦退。須細辨之。

附子瀉心湯

大黃

一兩

黃連

黃芩

一兩

附子

一枚去皮

傷寒痞滿。在心胸而不在胃。故用三黃以瀉痞。而去熱。然惡寒。汗出。陽氣亦虛。故用附子。溫腎固陽。寒熱並用。各有精義。非仲景其孰能之。

半夏瀉心湯

半夏

半升

黃連

一兩

黃芩

甘草

炙

人參

乾姜

三大棗 十二枚

此爲誤下胸痞而設。陽邪鬱於上焦。旣不能下。又不能仍從毛竅而出。惟有苦寒瀉熱之法。方能消痞解邪。而又恐陽邪旣去。濁陰上干。故於清瀉中。參入辛溫。以預截後患。此所以爲醫中之聖也。

白虎湯

石膏

一觔

知母

六兩

甘草

二兩

粳米

六合

先煮石膏數十沸再投藥米米熟湯成溫服
同一石膏也。合麻黃用之則爲青龍。合知母
用之則爲白虎。一則欲其興雲致雨以解外
邪。一則欲其清肅肺胃。滌蕩內熱。義各有當
也。然用此方者。必須審而又審。自汗而渴。脈
大有力。數者。咸脩方可與之。若一誤投。禍不
旋踵。蓋緣此症爲濕熱鬱蒸。故有汗而煩熱
不解。既有汗。故不可表。表則陽脫。亦不可下。

下則耗陰。惟有大清肺胃之熱為正法也。

竹葉石膏湯

竹葉

二把

石膏

一斤

人參

三兩

甘草

炙二兩

麥冬

一觔

半夏

半升

粳米

半升

加姜煎

治肺胃虛熱。故加人參麥冬。加竹葉者。恐虛陽內犯胞絡也。

升陽散火湯

柴胡

八錢

防風

二錢五分

葛根

升麻

羌活

獨活 人參 白芍 五錢 炙甘草 三錢

生甘草 三錢 每服五錢加姜棗煎

鬱結之火。逆而折之。則其勢愈激而上升。此則全用風藥解散。蓋火得風力而升。亦因風力而滅。故絕不用清寒之品。深達火鬱。則發之之義也。

涼膈散

連翹 四大黃 酒芒硝 甘草 二梔子 炒黑

黃芩

酒炒

薄荷

一兩

爲末每服三錢加竹葉生蜜

煎

解此方者。但云此上中二焦瀉火之藥。既下焦無病。豈得輕用芫硝。觀仲景三承氣湯。邪在上者。不用芫硝。可知也。殊不知主治條下有大小便秘一語。則下焦安得不並治乎。

當歸龍薈丸

當歸

酒洗

龍胆草

酒洗

梔子

炒黑

黃連

炒

黃柏

炒

黃芩

炒一兩

大黃

酒浸

青黛

水飛

蘆薈

五錢

木香

二錢

麝香

五分

蜜丸姜湯下

苦寒之至。無以復加。此等峻劑。豈可輕試。予意去三黃二香。庶幾可用耳。

龍胆瀉肝湯

龍胆草

酒炒

黃芩

炒

梔子

酒炒

澤瀉

酒炒

當歸

酒炒

車前子

木通

生地

酒炒

柴胡

生甘草

肝胆火盛。濕熱鬱蒸者。此方爲宜。下部發瘍。

者尤妙

左金丸

黃連

六兩姜汁炒

吳茱萸

一兩鹽水炒

水丸

此方之妙。全在苦降辛開。不但治脇痛肝脹。吞酸疝氣等症。卽以之治時邪霍亂轉筋吐瀉。無不神效。

瀉青丸

龍胆草

山梔

炒

大黃

酒蒸

川芎

當歸

酒洗

羌活 防風 等分蜜丸竹葉湯下

肝性至剛。宜柔而不宜伐。此方但瀉肝經之鬱火。則可。若以之治驚恐筋痿等症。吾未見其有濟也。若去大黃。加芍藥丹皮等類。爲庶幾耳。

瀉黃散

防風

四兩

藿香

七錢

山梔

炒黑一兩

石膏

五錢

甘草

二錢

右末微炒香酒調服

有風藥以散伏火。有清藥以瀉積熱。而又用甘緩以和中。使不傷正氣。此法頗佳。

清胃散

生地 丹皮 黃連 當歸 升麻

涼血解熱。升陽散火。胃氣清則諸病自除矣。

甘露飲

生地 熟地 天冬 麥冬 石斛 茵陳

黃芩 枳殼 枇杷葉 甘草 等分每服

五錢

治胃虛發熱。兼有血症者則可。若積濕化熱。又無血症者。當去地黃。加花粉茯苓等爲佳。

瀉白散

桑白皮

地骨皮

一錢

甘草

五分

粳米

百粒

易老加黃連

肺金有火。則清肅之令不能下行。故洒淅寒熱。而咳嗽喘急。瀉肺火而補脾胃。則又顧母

法也。若加黃連反失立方之旨。

導赤散

生地

木通

甘草稍

淡竹葉

等分煎

心經之火。每移於小腸。表裡相傳也。故治小腸之火。必兼清心。此爲定法。

蓮子清心飲

石蓮肉

人參

黃芪

茯苓

柴胡

三錢

黃芩

炒

地骨皮

麥冬

車前子

甘草

二錢

空心服

柴胡散肝胆之陽邪。木不助火。則心氣亦安。又有參芪足以制之。故雖發熱煩渴而不相妨也。

導赤各半湯

黃連

黃芩

犀角

知母

山梔

滑石

甘草

茯苓

麥冬

人參

加燈心

姜煎
棗煎

越經症。乃心經之熱邪。上而通肺。本與小腸

無關其必兼瀉小腸者欲令上焦之邪俱從小腸出也。

普濟消毒飲

黃芩

酒炒

黃連

酒炒五錢

陳皮

去白

甘草

生用

玄參

二錢

連翹

板藍根

馬勃

鼠粘子

薄荷

二錢

殭蚕

升麻

七分

柴胡

桔梗

二錢

爲末湯

調時時服之

天行厲氣最爲酷烈。病在上焦者。天氣中人。

必於上也。此方清熱解毒。祛厲疫之氣。最爲精當。

清震湯

升麻

蒼朮

五錢

荷葉

一枚

雷頭風頭本風陽上擾之症。故宜升散而不宜清寒。

紫雪

黃金

兩

寒水石

石膏

滑石

磁石

三觔
水煮